



ՀԱՍՏԱՏՈՒՄ ԵՄ՝

Շրջակա միջավայրի նախարար
Հակոբ Աիմիդյան



« 03 » 11 2023թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 0196-23

Ձեռնարկող՝

«Կայուն Զարգացման Ներդրումային Հիմնադրամ»

ք. Երևան, Մյասնիկյան պ. 5/1

Գործունեությունը՝

Դիլիջան համայնքի Թեղուտ բնակավայրի վարչական
տարածքում ջրագծերի կառուցման աշխատանքների
շրջակա միջավայրի վրա ազդեցության գնահատման
հաշվեկարգություն

Տավուշի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Հերիքնազ Մկրտչյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 0196-23

«03» Նոյեմբերի 2023թ.

**Դիլիջան համայնքի Թեղուտ բնակավայրի վարչական տարածքով ջրագծերի
կառուցման աշխատանքների շրջակա միջավայրի վրա ազդեցության գնահատման
հաշվետվություն**

Ձեռնարկող՝	«Կայուն Զարգացման Ներդրումային Հիմնադրամ»
Փաստաթղթի տեսակը՝	Շրջակա միջավայրի վրա ազդեցության գնահատման հաշվետվություն
Գործունեության կատեգորիա՝	«Բ» կատեգորիա
Տեղադրման վայրը՝	Տավուշի մարզ, Դիլիջան համայնք

Ներածական մաս. Շրջակա միջավայրի վրա ազդեցության գնահատման հաշվետվության /այսուհետ՝ Հաշվետվություն/ համաձայն՝ Դիլիջանի համայնքապետարանը նախատեսում է իրականացնել Թեղուտ բնակավայրի վարչական տարածքում և «Դիլիջան» ազգային պարկ ՊՈԱԿ-ի /այսուհետ՝ «Դիլիջան» ԱՊ/ տարածքում ջրագծի կառուցման աշխատանքներ: Նախատեսվող գործունեությունը ներկայացված է ՀՀ կառավարության կողմից՝ սուբվենցիոն ծրագրով: Ծրագրի իրականացումը կապահովի ջրային ռեսուրսների կայուն և արդյունավետ օգտագործումը: Քանի դեռ բնակավայրում չկա առանձին ոռոգման համակարգ, նախատեսվում է ջուրն օգտագործել ցանքատարածությունների և այգիների ոռոգման համար, ինչը կխթանի համայնքի կենսամակարդակի բարելավմանը և ագրոտնտեսական աճի զարգացմանը:

Գործունեության իրականացման համար հիմք է հանդիսացել Դիլիջան համայնքի ղեկավարի կողմից 2022 թվականի նոյեմբերի 30-ին տրված N ԱՀ-12 նախագծման թույլտվությունը /ճարտարապետահատակագծային առաջադրանքը/ և տեխնիկական առաջադրանքը:

«Շրջակա միջավայրի վրա ազդեցության գնահատման և փորձաքննության մասին» օրենքի 14-րդ հոդվածի 8-րդ մասի համաձայն՝ նախատեսվող գործունեությունը հանդիսանում է «Բ» կատեգորիայի գործունեության տեսակ:

Նկարագրական մաս. Գործունեության ենթակա տարածքը գտնվում է Տավուշի մարզի Դիլիջան համայնքի Թեղուտ բնակավայրի վարչական տարածքում՝ մարզկենտրոն Իջևանից 28կմ հարավ-արևմուտք, Աղստև գետի ձախափնյակում, Դիլիջան-Իջևան ճանապարհի վրա: Նախատեսվող ուղեգիծն անցնում է ծովի մակարդակից 1550մ բարձրություն ունեցող ռելիեֆով: Գործունեության իրականացման համար օգտագործվելու են Դիլիջանի համայնքային հողերը, գոյություն ունեցող ասֆալտապատ և գրուտային



որտեղ ջրատարը բաժանվում է երեք ճյուղի՝ OD160, DN150, OD110: Ջրատարը բնակավայրի տարածքում միանալու է առկա ջրամատակարարման հորին:

«Դիլիջան» ԱՊ-ի տարածքում շինարարական աշխատանքներն իրականացվելու են հատուկ սկզբունքներով՝ բացառելով ծանր տեխնիկայի շարժը հողային և բուսական ծածկույթի վրա, հատկապես որտեղ կիրճ կա աշխատանքներն իրականացվելու են ձեռքով:

Նախատեսվող գործունեության իրականացման տարածքում բուսահողը բացակայում է: Ջրագծերի անցկացումը և դրա հետ կապված շինարարական աշխատանքներն իրականացվելու են արդեն իսկ կառուցապատված և ասֆալտապատ տարածքներում, նոր տարածքների օտարում չի նախատեսվում: Խողովակաշարերն անցկացվելու են գոյություն ունեցող ջրանցքի ուղեգծով, ուստի հողային ռեսուրսներին հասցվող վնասի փոխհատուցման միջոցառումների անհրաժեշտություն չկա:

Ըստ բուսաբանական հետազոտությունների՝ նախատեսված գործունեության տարածքներում հանդիպող բուսատեսակներն ընդգրկված չեն ՀՀ Կարմիր գրքում:

Շինարարական աշխատանքների իրականացման ընթացքում օգտագործվելու են՝ ավտոինքնաթափ, ավտոամբարձիչ, բետոնատար մեքենա, եռակցման ագրեգատ, բուլդոզեր, շարժական կոմպրեսոր, էքսկավատոր, ավտոբետոնախառնիչ և այլն:

Շինարարության ընթացքում օգտագործվելու են տարբեր շինարարական նյութեր՝ բետոնային խառնուրդ, ամրաններ, ջրամեկուսիչ նյութեր, բիտումա-պոլիմերային մածուկ, եռակցման էլեկտրոդներ և այլն, որոնք նախընտրելի է ձեռք բերել արտոնագրված մատակարարներից: Բնական ռեսուրսներից օգտագործվելու է ջուր՝ տարածքների ջրցանի, հողի/գրունտի խոնավացման, շինանձնակազմի խմելու և կենցաղային նպատակների համար: Ջրցանի համար նախատեսված ջուրը բերվելու է ջրցան մեքենաների միջոցով, իսկ խմելու համար ջուրը բերվելու է այդ նպատակի համար նախատեսված տարրաներով:

Շինարարության ժամանակահատվածի համար ընդհանուր ջրօգտագործումը հաշվարկվել է ըստ սպասարկող աշխատողների թվաքանակի (25մարդ), ինչը կազմում է 215.8 մ³: Շինարարության փուլում աշխատողների կոմունալ կենցաղային պայմաններն ապահովվելու են՝ տեղադրելով շարժական բիոզուգարան, որը տեղադրվելու է վարձակալության հիմունքով և աշխատանքների ավարտից հետո հանվելու է: Կենցաղային կեղտաջրերը հավաքվելու են անջրանցիկ նյութերից կառուցված կեղտաջրերի հավաքման հորում /ԿՀՀ/: Նախատեսվում է շաբաթական մեկ անգամ հատուկ մեքենաներով արտահանել հորի պարունակությունը տեղական մարմինների հետ համաձայնեցված կոյուղու կոլեկտոր:

Շինարարական աշխատանքների ժամանակ բոլոր ապամոնտաժված խողովակագծերը վերադարձվելու են կոմունիկացիաների սեփականատերերին:

Նախատեսվող գործունեության շրջակա միջավայրի վրա ազդեցությունները հիմնականում կապված են լինելու քանդման, փորման, հողային աշխատանքների, շինարարական տեխնիկայի, մեխանիզմների շահագործման ընթացքում առաջացող գազանման արտանետումների հետ (վառելիքի այրման արդյունքում): Շինարարական հրապարակների նախապատրաստման ընթացքում փորվելու և հանվելու է 4700մ³ գրունտ, որից 3800 մ³ օգտագործվելու է որպես հետլիցք, իսկ 900 մ³ մնացորդային գրունտը կտեղափոխվի Դիլիջան համանքի կողմից հատկացված Թեղուտ բնակավայրից 7 կմ հեռավորության վրա գտնվող աղբավայր: Կենցաղային աղբի կուտակման համար շինհրապարակն ապահովված կլինի համապատասխան աղբամաններով:

Համաձայն Հաշվետվության՝ շրջակա միջավայրի պահպանման և վերջինիս բաղադրիչների վրա հնարավոր բացասական ազդեցությունները մերժելու նպատակով նախատեսվում են բնապահպանական մի շարք միջոցառումներ, որոնց ներառված են Հաշվետվության միջոցառումների ծրագրում և մոնիթորինգի պլանում նախատեսվածը:



- մթնոլորտային օդի որակի մոնիթորինգ՝ ամիսը երկու անգամ,
- շրջակա տարածքների հողային ծածկույթի մոնիթորինգ՝ ամիսը մեկ անգամ,
- կենսաբազմազանության մոնիթորինգ՝ շինժամանակահատվածում մեկ անգամ,
- տեխնիկական միջոցների աշխատանքային վիճակի՝ մասնավորապես չեզոքացուցիչ սարքավորումների սարքին վիճակի պարբերական մշտադիտարկումներ՝ ամիսը մեկ անգամ հաճախականությամբ,
- աղմուկի և թրթռումների մակարդակի չափումներ,
- շինհրապարակի որակի, բանվորական հագուստի կուլտուրայի, անվտանգության կանոնների պահպանմանն ուղղված մշտադիտարկում՝ համաձայն Կառավարության 2020թ. հուլիսի 2-ի նիստի N 87 արձանագրության պահանջների,
- գործունեության և հարակից տարածքներում ՀՀ Կարմիր գրքում գրանցված բուսատեսակների կամ կենդանիների բնադրավայրերի հայտնաբերման դեպքում կապալառուն տեղեկացնելու է «Դիլիջան» ԱՊ-ին՝ դրանց պահպանությունն ապահովելու նպատակով:

Բնապահպանական միջոցառումների իրականացման համար նախատեսվում է ներդնել 250000 ՀՀ դրամ:

Պատճառաբանական մաս. Գործունեության ենթակա տարածքը գտնվում է Տավուշի մարզի Դիլիջան համայնքի Թեղուտ բնակավայրում:

Ջրագծի անցկացման ընթացքում շրջակա միջավայրի բաղադրիչների վրա հնարավոր բացասական ազդեցությունները լինելու են նվազագույն և կրելու են ժամանակավոր բնույթ:

Փորձաքննական գործընթացին ներգրավվել են շրջակա միջավայրի նախարարության ստորաբաժանումները, առողջապահության, ներքին գործերի, կրթության, գիտության, մշակույթի և սպորտի նախարարությունները, քաղաքաշինության կոմիտեն, Տավուշի մարզպետարանը, Դիլիջանի համայնքապետարանը: Հաշվետվությունը լրամշակվել է հաշվի առնելով ներկայացված առաջարկությունները և դիտողությունները:

Օրենսդրությամբ սահմանված կարգով՝ Տավուշի մարզի Դիլիջան համայնքի Թեղուտ բնակավայրում իրականացվել են հանրային քննարկումներ, ինչի ընթացքում հանրությունը դրական է արտահայտվել նախատեսվող գործունեության վերաբերյալ:

Փորձաքննական պահանջներ

- Շինարարական աշխատանքների իրականացման ընթացքում անհրաժեշտ է հետևել գնահատման հաշվետվությունում ամրագրված բնապահպանական միջոցառումների կատարմանը, ժամանակացույցին, իսկ դրանց չբավարարման դեպքում նախատեսել լրացուցիչ միջոցառումներ՝ ուղղված բնապահպանական, հրդեհաանվտանգության և սանիտարական նորմերի պահպանմանը:
- Շինարարական աշխատանքներն անհրաժեշտ է կատարել օրվա սահմանված ժամերին՝ հնարավորինս նվազագույնի հասցնելով աղմուկի և ճանապարհների առավելագույն ծանրաբեռնվածությունը:
- Գործունեության և հարակից տարածքներում ՀՀ Կարմիր գրքում գրանցված բուսատեսակների պոպուլացիաների հայտնաբերման դեպքում՝ անհապաղ տեղեկացնել «Դիլիջան» ազգային պարկ ՊՈԱԿ-ին:
- Պահպանել արտակարգ իրավիճակների և աշխատանքի անվտանգության նորմերը և այլն:
- Շինարարական աշխատանքների ընթացքում բացառել



